

त्वित्येव प्रयाजानां वृषं वसुवने वसुधेयस्येत्यनुयाजानाम् ॥ २७ ॥ तस्य हिरण्यं  
दक्षिणा । अग्नेयो वाऽएष यज्ञो भवत्यग्ने रेतो हिरण्यं तस्माद्विरण्यं दक्षिणान-  
ड्वान्वा स हि वहेनाग्नेयोऽग्निदग्धमिव क्षस्य वहं भवति देवानां हव्यवाहनो  
ऽग्निरिति वहति वाऽएष मनुष्येभ्यस्तस्मादनड्वान्दक्षिणा ॥ २८ ॥ ब्राह्मणम् ॥ १  
[२.३.] ॥ ॥

प्रजापतिर्ह वाऽइदमग्रऽएक एवास । स ऐक्षत कथं नु प्रजायेयेति सोऽआ-  
म्यत्स तपोऽतप्यत सोऽग्निमेव मुखाज्जनयां चक्रे तद्यदेनं मुखादुज्जनयत तस्माद-  
न्नादोऽग्निः स यो हैवमेतमग्निमन्नादं वेदान्नादो हैव भवति ॥ १ ॥ तद्वाऽएनमेत-  
दग्ने देवानामज्जनयत । तस्मादग्निरग्निर्ह वै नमैतद्यदग्निरिति स ज्ञातः पूर्वः प्रे-  
षाय यो वै पूर्व इत्यग्रऽएतीति वै तमाहुः सोऽएवास्याग्निता ॥ २ ॥ स ऐक्षत  
प्रजापतिः । अन्नादं वाऽइममात्मनोऽजीजने यदग्निं न वाऽइह मदन्यदन्नमस्ति यं  
वाऽअयं नाद्यादिति काल्वालीकृता हैव तर्हि पृथिव्यास नौषधय आसुर्न वन-  
स्पतयस्तद्देवास्य मनस्यास ॥ ३ ॥ अथैनमग्निर्यत्तेनोपपर्याववर्त । तस्य भीतस्य  
स्वो महिमापचक्राम वाग्वाऽअस्य स्वो महिमा वागस्यापचक्राम स आत्मन्नेवा-  
हुतिमीषे स उदमृष्ट तद्यदुदमृष्ट तस्मादिदं चालोमकमिदं च तत्र विवेद घृता-  
हुतिं वैव पयआहुतिं वोभयं ह वैव तत्पय एव ॥ ४ ॥ सा हैनं नाभिराधयां  
चकार । केशमिश्रेव ह्रास तां व्यौक्षदोषं धयेति तत ओषधयः समभवंस्तस्मादो-  
षधयो नाम स द्वितीयमुदमृष्ट तत्रापराभाहुतिं विवेद घृताहुतिं वैव पयआहुतिं  
वोभयं ह वैव तत्पय एव ॥ ५ ॥ सा हैनमभिराधयां चकार । स व्यचिकित्स-  
ज्जुह्वानी३ मा हौषा३मिति तं स्वो महिमाभ्युवाद जुहुधीति स प्रजापतिर्विदां  
चकार स्वो वै मा महिमाहेति स स्वाहेत्येवाजुहोतस्माडु स्वाहेत्येव ब्रूयते तत  
एष उदियाय य एष तपति ततोऽयं प्रबभूव योऽयं पवते तत एवाग्निः पराङ्